


四明叢書

張宗祥



趙滢水道學發源引曰張氏孝經解足以啟發人之善
心由之足以見聖人之蘊至于載之東西銘子輦之聖
傳論譬之戶有南北東西由之皆可以至于堂奧

宋潛溪凝道記曰橫浦之學何如曰清節峻標固足以
師表百世其學則出于宗杲之禪而借儒家言以文之
也儒與浮屠其言固有同者求其用蓋天淵之不相涉
也其可混而爲一哉金溪之學則又源于橫浦者也考
其所言蓋有不容掩者矣

唐肅曰先生從學龜山學有原本于經傳多所訓釋而

孟子書尤究心焉

梓材謹案四庫全書著錄先生孟子傳二十九卷
係內府藏本盡心篇已佚提要云橫浦之學出丁
龜山又喜與僧宗杲遊故不免雜于釋氏所作心
日新二錄大抵以禪機詁儒理故朱子作雜學辨
頗議其非惟注是書則以當時馮休作刪孟子李
觀作常語司馬光作疑孟說之作詆孟鄭厚叔
作藝圃折衷皆以排斥孟子爲事故特發明義利
經權之辨著孟子尊王賤霸有大功撥亂反正有
大用每一章爲解一篇主于闡揚宏旨不主于箋
詁文句是以曲折縱橫全如論體又辨治法者多
辨心法者少故其言亦切近事理無由旁涉于空
寂在橫浦諸著作中此爲最醇至于草芥寇讐之
說謂人君當知此理而人主不可有此心觀其眸
子之說謂瞭與眊乃邪正之分不徒論其明暗又
必有孟子之學識而後能分其邪正尤能得文外
微旨云又案鄭厚字叔友提要誤作鄭厚叔附識

于此

高道淳最樂編曰張子韶謂與小人居常自檢點司馬
溫公曰君子所以成人其惟誠乎范文正曰言欲遜遜
免禍行欲嚴嚴免悔皆當三復力行

橫浦講友

補進士姚先生述堯

梓材謹案先生字進道華亭人張子固毘陵集有
姚進道文集序云其卒于京師年纔三十又云名
穀秀之華亭人其地同
其字同豈其有二名耶

補葉先生先覺

葉先覺橫浦之友也橫浦和施彥執懷姚進道及先生
云環顧天地間四海惟三友兩老雖未死一妙已先路
生者豈其巧死者亦非謬君如悟斯契萬事可懷袖橫浦

詩集

補施持正先生德操

附錄

程泰之海寧縣鄉賢祠堂記曰彥執學有本末主孟子
以排釋氏曰絕人倫漫等級棄禮樂仁義不用謂能躋
造空無此其勝處槩之以道當自倒易後先又飾荒幻

報應誑愚取貲則尤爲世蠹因著爲之論以曉未悟其
學若此亦可謂強立不惑者已

陳先生一鶚

陳一鶚字開祖永嘉人紹興二年登第張子韶雅重之
仕至廣德太守行誼表于一鄉廉靖著于仕途其倅豫
章戶部尙書張如瑩以慶遠軍節度使來爲連帥爲書
歸去來辭于畫卷且推美其古雅子求仁

周益公集

謝先生舉之

謝舉之南劒人橫浦子伯厚從之學嘗請字於橫浦橫

浦字之曰志遠

橫浦文集

口先生公繼

口公繼

橫浦家學

張先生伯厚

張伯厚橫浦子嘗從謝舉之學讀書

橫浦文集

張先生察

張察字口口橫浦從子也從學橫浦有學說貽先生伯

季橫浦卒爲述家傳

橫浦家傳

橫浦門人

補
尚書凌先生景夏

附錄

紹興對策呂頤浩稱其詞勝張九成

遷著作佐郎與館職胡璉朱松張擴常明范如圭等六
人共奏封事言和議非便素檜憾之知外郡及閒居凡
十餘年

汪玉山祭凌尚書文曰惟公氣質粹美學問純正充養
既厚持守益定視其容貌如不勝衣孰知其勇見義必

爲聽其議論如不出口孰知其直言無所苟謂公爲清
清而有容謂公爲和和而不同人有一善或以自矜公
終其身兢兢靡寧

補知州樊先生光遠

雲濠謹案先生著有尙書解三卷
禮記講義三卷梅窗雜著十卷

附錄

汪玉山誌其墓曰初臨川王荆公著三經義字說以同
天下之學舉世誦如六經然范陽張先生以爲學者貴
于自得而躬行可以爲天下國家用也今守其穿鑿附

會之說而修身治人析爲兩途則何貴于學矣先生以此數見黜于當時之有司貧至飢粥不給茂實獨師事之甚謹既冠徒步就太學試以書義對是時文體亦稍變矣而茂實獨直指王氏之失力排之切中其要考官奇之置高等是後士人乃益得自致于學

補
忠定史真隱先生浩

雲濠謹案鄭峯真隱漫錄先生祭無垢先生文云
晚守永嘉吏課推最不施刑威專用教誨力敘彝
倫俾俗純粹某掌郡庠時適相值傾蓋忘年雅同
聲氣乃以旦日衣冠畢萃端笏趨隅薦牘見遺公
之舉詞深育旨味識超幾先意傳經外惟此八字
三宵不寐思而得之實錄無愧佩服華衮銘在心

志此忠定受
知橫浦之徵

經筵薦舉劄子

朝奉郎福建路安撫司幹辦公事石磬器質純靜不求
聞知爲邑南劔之尤溪興學校禮賢士苟有利民知無
不爲頌聲洋溢如古循吏

朝奉郎前兩浙轉運司主管文字陳仲諤操履醇正議
論有源居福之鄙月評所貴人無異詞

文休郎新差充南外敦宗院宗學教授汪義端好學不
倦有爲善心嘗仕四明郡僚事無詭隨唯徇公議

從政郎漢陽軍軍學教授石斗文問學知方行己有恥
不爲詭激以釣虛名涵養之口必能立事

迪功郎監潭州南嶽廟沈銖鄉行可推士夫信服其與
人交面箴其失退無後言有古直諒之風

粹材謹案右五人惟汪義
端攻慶元學者有負所舉

陞辭薦舉劄子

明州鄞縣主簿辟叔似學窺往聖志慕前修試吏之始
已有能譽若任之以事當無施而不可

新紹興府司理參軍楊簡性學通明辭華條達孝友之

行閩內化之施于有政其民必敬而愛之

新建寧府崇安縣主簿陸九淵淵源之學沈粹之才輩
行推之而心悟理融出于自得

新無爲軍軍學教授石宗昭學問操履文采政事四者
皆過人而深自韜晦無好異之失

新寧國府府學教授陳謙材術旣高文章尤美推其所
用必能稱職

新鄂州推官葉適資稟甚高博記能文其學進而未已
前江東安撫司幹辦公事崔敦禮學問該通辭藻華瞻

與其弟敦詩相埒識者惜其未用

新江陰軍江陰縣尉袁燮學問純明性資端厚守正而無矯激又在庠序士子推服

添差通判常州趙善譽宗子之秀學問文采俱有可觀吏材尤高不在彥逾下

前撫州州學教授張貴謨文學吏治務求實用試之以事必有益於時

臨臨安府同易庫胡拱故禮部尙書沂之子沈厚似沂而拱行尤峻安恬守道不願人知

前衡州州學教授舒璘性資誠慤好學不倦而練達世故材實有用

新紹興府府學教授舒烈性質和粹操履端固平居雖簡易而遇事有守

明州州學教授王恕博通性理諳曉民事時輩推爲可用之才

監潭州南嶽廟湛循性資和裕學問通明頃中甲科不求榮進而爲親請祠時輩推之

粹材謹案右十五人惟張貴謨攻慶元學者有負所舉

附錄

少孤自力于學貫穿經史理致超詣措詞持論出人意表

爲温州教授郡守張九成有重名待以國士諸生推重之以中書舍人吳秉信薦除太學正

除開府儀同三司公自言臣何功德叨此眷寵孝宗指心而言曰于此甚有功朕學力堅固心術明正皆卿之力也

朱子曰史丞相說書亦有好處如命公後眾說皆云命

伯禽爲周公之後史云成王旣歸命周公在後看公定予往矣一言便見得是周公旦在後之意

又語類曰史丞相好薦人極不易然卻有些籠絡人意思不佳陳丞相較渾厚無這般意思又苦賢否不辨者孫燭湖上書曰書傳多所發明帝王君臣精微正大之蘊剖決古今異同偏見開悟後學心目使人沛然飽滿者無慮數十百條又曰欲以疑義請教者一一疏諸下方

雲濠謹案四庫書目本永樂大典訂釐先生尚書講義二十卷提要云其說大抵以注疏爲主參考